



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Absolutionis à juramento Formula III.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

tem taxa instituenda est: Alibi enim summa duorum cum dimidio pro centenario sufficit, & alibi etiam quatuor approbatur, ut decisum refert Pignatell. *consult. 416. tom. 1. & consult. 81. n. 106. to. 9.* quia Episcopus virtute potestatis tributæ à Concilio, nedum in dimidia Decimæ potest Beneficia onerare, sed etiam in majori, prout justum, & æquum ei visum fuerit, sic ex Decreto Congregationis probat Gallemart. *supra d. cap. 18. n. 26.*

7. Adduntur autem in formula Decreti illa verba -- *pro nunc*, ad demonstrandum, quod potest arbitrio Episcopi in futurum augeri; puta in casu, quo redditus Seminarii essent ita diminuti, ut ad victum Scholarium, aliaque onere subeunda non sufficerent, ex traditis à Pac. Jord. *lucubr. tom. 2. lib. 7. tit. 4. num. 23.* Corrad. *prax. benef. lib. 4. cap. 8. n. 19.*

Absolutionis à juramento.

FORMULA III.

SUMMARIUM.

- 1 Juramentum semper est servandum, quoties sine dispendio salutis æternæ

ne servari potest.

- 2 In absolutione juramenti non est citanda pars.
- 3 Solus Papa absolvit à perjurio.
- 4 Qui perit absolvi à juramento, non dicitur contravenire contractui.
- 5 Super validitate juramenti solus Judex Ecclesiasticus cognoscit.
- Absolutio à Juramento petitur à Judice Domicilii rei conveniendi, ibid.
- 6 Absolutio à Juramento Contractus, qui habet in ventre obligationem Cameralem, includit absolutionem à Juramento de non petendo absolutionem.
- 7 Qui promittit in contractu absolutionem juramenti non petere, adhuc illam petere potest, stante dolositate contractus.
- 8 Absolutio à juramento non est necessaria ubi concurrat enormissima læsio.
- 9 Neque in obligatione facta in Carceribus.
- 10 Neque in casibus in quibus juramentum de jure non ligat.

A Tremis expositis Oratorem à juramento, seu juramentis in præmemorato Instrumento suscepto, seu susceptis, dummodo in perjurium non incidit, ad effectum tantum civiliter agendi absolvimus & liberamus, & si de viribus juramenti disputari contigerit, id tantum coram Nobis, vel alio Ecclesiastico Judice, & non alibi discepteretur. In quorum &c. Datum hac die.....

N. Episcopus (sive Vicarius Generalis.) N.

Loco ✕ Sigilli.

N. Cancellarius Episcopalis.

ADNOTATIONES.

1 **A**TTENTIS EXPOSITIS. Absolutio à juramento non conceditur, nisi interveniat aliqua justa causa, scilicet metus, læsionis, doli, deceptionis, aut alia similis: Si enim passim, sine justa causa summarie cognita, absolutio concederetur, juramentum esset elusorium, quod dici non de-

bet, cum semper sit servandum, quoties sine dispendio salutis æternæ servari potest, Rot. coram Mant. *decis. 267. uum. 6. 9. & 10.* & ideo, quod non detur scienter decretum tenet Altograd. *consult. 5. num. 50. lib. 1.*

2. An autem in absolutione hujusmodi sit citanda pars, praxis docet, quod non, & ita de communi firmat Joseph Ludov. *decis. Perpin. 18. à num. 3. ad 10. par. 1.* cui

cui favet Caren. *resol.* 139. *per tot.* At Paris. *de resign. lib.* 13. *quæst.* 1. n. 38. tenet, quod in absolutione juramenti interpositi propter metum requiratur partis citatio; sed ejus opinio in praxi non servatur, ex rationibus infra subjungendis.

3. **IN PERJURIUM NON INCIDERIT.** Quia à perjurio jam incurso solus Papa absolvit, Peregr. *prax. Vicar. part. 2. sect. 1. sub sect. 7. n. 3. limit. ultim.* Niger. *de excep. cap.* 15. §. 2. num. 3. Rub. *singular. tom. 2. par. 6. tit. de interpret. stat. num.* 152. *pag. mibi* 667.

4. **CIVILITER AGENDI.** Qui petit, & obtinet solutionem à juramento ad effectum civiliter agendi, non dicitur contravenire, sed ad instar illius, qui obtinuit aperiitionem oris adversus Breve Pontificium, ut possit postquam obtinuit absolvi, excipere, & ostendere læsionem, dolum, deceptionem, & injustitiam Contractus, quod prius facere non poterat absque incurso perjurii, ut docent Rub. *singul. tom. 2. d. par. 6. circa statut. interpr. n.* 146. *d. pag.* 667. Ciarlino. *contr.* 22. n. 49. *tom. 2. Rot. coram Cocchin. decis.* 582. n. 8. Et hinc est, quod cum in absolutione partis jus non lædatur, non exigitur ejus citatio.

5. **CORAM NOBIS.** Super validitate juramenti, scilicet an sit licitum vel non, solus Judex Ecclesiasticus cognoscit *cap. licet de jurejur. in 6. Ricc. prax. for. Eccl. par. 1. resol.* 306. Bellet. *disq. Cler. p. 1. de favor. Cleric. real. §. 4. n.* 137. Absolutio vero peti debet à Judice Ecclesiastico Domicilii rei conveniendi, ad tradita per Cyriac. *controv.* 380. num. 70. Gavant. *manu. Episc. verb. juramentum n.* 13.

6. Ex his notandum, quod absolutio obtenta à juramento contento in Instrumento Camerali, obligatione vallato, includit etiam absolutionem à juramento de

non petendo absolutionem, contento in ipsa obligatione Camerali, ut dixit Rot. *dec.* 28. n. 7. post Zacch. *de obligat. Camer.*

7. Si quis verò explicitè, & expressè cum juramento promitteret absolutionem non petere, & petita non uti, si postea illam petat, quod efficiatur perjurus, dicit Seraphin. *de privileg. juram. privileg.* 59. n. 8. quem sequitur Rot. *dec.* 180. num. 29. p. 9. *rec.* Sed contrarium tenet Caren. *resol.* 139. n. 3. cui adherendum arbitror: quia si contractus, cui accessit hujusmodi promissio, esset læsivus, dolosus, & injustus, absolutio peti poterit absque incurso perjurii, cum juramentum non debeat esse vinculum iniquitatis, c. quanto, & e. cum contingat de jurejur. Rot. cor. Duno. Jun. *dec.* 205. num. 7. & 8. *gloss. in c. dilecti 13. verb. juramenti de major. & obedient.*

8. Secundò, quod absolutio à juramento ad effectum agendi necessaria non est, ubi concurrat ænormissima læsio, quæ sit jam detecta, vel dolus, & de illis constet ex inspectione Instrumenti, vel aliunde, Pich. *ad statut. Urb. lib. 1. c. 151. gloss.* 23. n. 23. Anton. de Marin. *quotid. resol. lib. 2. cap.* 136. n. 12.

9. Item absolutio necessaria non est, quando juramentum est appositum in obligatione facta in Carceribus, vel alio, qui loco Carceris habebatur, Rot. *decis.* 272. n. 13. coram Carillo, & *decis.* 82. n. 5. 6. & *seqq. coram Peuting. & post Merlin. de pignor. decis.* 73. n. 12.

10. Neque quando fuit præstitum in casibus, in quibus de jure juramentum non ligat, Mancin. *de juram. par. 6. quæst.* 27. num. 1. Tusch. *lit. A. concl.* 58. n. 48. Nec si agatur de Universitate, quæ est persona ficta, dummodo non agant eadem personæ, quæ jurarunt, Tusch. *d. concl.* 58. num. 68.

Absolutio Universitatis.

FORMULA IV.

I Accidit non semel, quod Universitates locorum damnum notabile sentientes ex incurso Locustarum, Bruchuum, & Murium in Agris, Vineis, & Seminibus; ac verentes, quod hujusmodi calamitates sint effectus alicujus

Z 2 excom-